



Broj predmeta: 13-001635/21
Broj akta: 01.1-1413EK-0016/21
Datum, 17.9.2021.. godine
Mjesto, Brčko

Na osnovu člana 17 stav (2) Zakona o Vladi Brčko distrikta BiH («Službeni glasnik Brčko distrikta BiH», brojevi: 22/18 - prečišćeni tekst, 49/18, 08/19, 10/19 i 32/19), u skladu s članom 25, a u vezi sa članom 32 stav (1) Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda sa preporukom Komisije za javne nabavke broj: 13-001635/21 od 6.9.2021. godine i Mišljenja Pravobranilaštva brčko distrikta BiH broj: M-984/21 od 15.9.2021. godine, gradonačelnik Brčko distrikta BiH d o n o s i

ODLUKU O IZBORU NAJPOVOLJNIJEG PONUĐAČA

Član 1

(1) U provedenom otvorenom postupku za nabavku bankarskih usluga otvaranja i vođenja Transakcionog računa za obavljanje unutrašnjeg i inostranog platnog prometa na godišnjem nivou do 160.000.000,00 KM za potrebe Direkcije za finansije Brčko distrikta BiH, izabran je najpovoljniji ponuđač kojem se dodjeljuje okvirni sporazum za period u trajanju od četiri godine.

Naziv najpovoljnijeg ponuđača je „**SBERBANK BH**“ d.d. Sarajevo.

Vrijednost okvirnog sporazuma bez uračunatog PDV-a iznosi **46.910,00 KM.**

Član 2

Postupak je proveden na osnovu Posebne odluke o pokretanju postupka javne nabavke broj: 13-001635/21 od 23.7.2021. godine, Obavještenja o nabavci na portalu javnih nabavki broj: 1157-1-2-408-3-395/21 od 3.8.2021. godine, specifikacije usluga u vezi sa Tenderskom dokumentacijom broj: 13-001635/21 i ponude najpovoljnijeg ponuđača.

Član 3

Finansiranje navedene nabavke će se izvršiti za 2021. godinu iz budžeta 2021. godine, organizacioni kod 16030001, ekonomski kod 613800, a za 2022. 2023., 2024. i 2025. godinu na osnovu odluka o privremenom finansiranju odjeljenja Vlade i institucija Brčko distrikta BiH za 2022. 2023. 2024. i 2025. godinu i usvojenih budžeta za navedene godine, organizacioni kod 16030001, ekonomski kod 613800.

Obrazloženje

Komisija za nabavke je nakon izvršenog otvaranja ponuda konstatovala da su dostavljene tri ponude, sljedećih ponuđača: „Sberbank BH“ d.d. Sarajevo, „Sparkasse Bank“ d.d. Sarajevo i „NLB Banka“ a.d. Banja Luka. Sastavni dio odluke čini zapisnik sa otvaranja ponuda, zapisnik o izvršenoj analizi dostavljenih ponuda i izvještaj o toku i završetku e-aukcije. Komisija je izvršila analizu dostavljenih ponuda u pogledu prihvatljivosti prema obliku, sadržaju i potpunosti, te u pogledu načina pripreme i dostave ponuda i ustanovila da su ponude prihvatljive. Ponuđači su ocijenjeni kvalifikovanim, osim ponuđača „NLB Banka“ a.d. Banja Luka koji nije dokazao da ima ukupan dionički kapital na dan 31.12.2020. godine u iznosu ne manjem od 70.000.000,00 KM. U ponudi je dostavljen finansijski izvještaj iz kojih se vidi da je vrijednost dioničkog kapitala na dan 31.12.2020. godine iznosila 62.003.000,00 KM, tako da je ponuđač ocijenjen nekvalifikovanim. Nisu postojale računске greške u dostavljenim ponudama. Nisu postojali elementi za sumnju u neprirodno nisku cijenu ponuda. Izvršena je e-aukcija i nije došlo do promjena cijena. Najpovoljnija ponuda se uklopila u procijenjenu vrijednost nabavke. Komisija za nabavke u skladu sa kriterijem najniže cijene dostavila preporuku o izboru najpovoljnijeg ponuđača.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Direkciji za finansije,
4. Gradonačelniku,
5. Zamjeniku gradonačelnika,
6. «Službenom glasniku Brčko distrikta BiH»,
7. Arhivi.

